



Sud Bosne i Hercegovine

Суд Босне и Херцеговине

Broj: Su-08-259/20

Datum: 28.10.2020. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku Stalne komisije za javne nabavke Suda Bosne i Hercegovine broj: Su-08-258/20 od 28.10.2020. godine u otvorenom postupku javne nabavke računarske opreme i opreme za prenos podataka za **LOT 5 Kopir aparat** – JRJN 30121100-4, donosim

ODLUKU

o izboru najpovoljnijeg ponuđača za nabavku računarske opreme i opreme za prenos podataka za **LOT 5 – Kopir aparat**

član 1.

Prihvata se preporuka Stalne komisije za javne nabavke Suda Bosne i Hercegovine (u daljem tekstu: Komisija), broj: Su-08-258/20 od 28.10.2020. godine i Ugovor za nabavku računarske opreme i opreme za prenos podataka za **LOT 5 – Kopir aparat** - oznaka i naziv iz JRJN: 30121100-4 (mašine za fotokopiranje), dodjeljuje se ponuđaču "**EMADO**" d.o.o. **Sarajevo**, sa sjedištem na adresi Azize Šaćirbegović 112, sa ponudom broj: 2909EZ03 od 29.09.2020. godine za ponudenu cijenu nakon sprovedene e-aukcije od **2.500,00 KM** bez PDV-a.

član 2.

Ugovor o nabavci dostaviti će se na potpis izabranom ponuđaču "**EMADO**" d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda Bosne i Hercegovine. Komisija za javne nabavke uputiti će obavještenje svim ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke opreme po lotovima broj: Su-08-178/20 od 24.08.2020. godine. Javna nabavka je provedena putem otvorenog postupka za dostavu ponuda broj: Su-08-192/20, a procijenjena vrijednost javne nabavke računarske opreme i opreme za prenos podataka za LOT 5 – Kopir aparat je 6.000,00 KM bez PDV-a. Obavještenje o nabavci objavljeno je na portalu javnih nabavki pod brojem 243-1-1-36-3-18/20 od 03.09.2020. godine zajedno sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke računarske opreme i opreme za prenos podataka za LOT 5 – Kopir aparat. Komisija je blagovremeno i pravilno izvršila javno otvaranje ponuda dana 01.10.2020. godine i sačinila Zapisnik sa otvaranja ponuda koji je proslijeđen svim ponuđačima koji su učestvovali u postupku.

Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da su blagovremeno pristigle ukupno četiri (4) ponude ("EMADO", "IMTEC", "ALF-OM", "C-SERVIS") da nije bilo neblagovremeno zaprimljenih ponuda i da su sve ponude ("EMADO", "IMTEC", "ALF-OM" i "C-SERVIS") ocijenjene prihvatljivim u skladu sa tenderskom dokumentacijom.

Za ovaj postupak je predviđena e-aukcija. Sve prihvatljive ponude ("EMADO", "IMTEC", "ALF-OM", "C-SERVIS") su unesene na web portal javnih nabavki BiH "e-nabavke", e-aukcija je zakazana dana 16.10.2020. godine, a održana dana 20.10.2020. godine sa početkom u 10.00 sati i završetkom u 10.36 sati. U toku e-aukcije došlo je do podnošenja novih ponuda. Nakon završetka e-aukcije sa web portala javnih nabavki BiH "e-nabavke" kreiran je izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača "EMADO" d.o.o. Sarajevo sa cijenom od 2.500,00 KM bez PDV-a, drugorangirana je ponuda ponuđača "C-SERVIS" d.o.o. Sarajevo sa cijenom od 2.994,00 KM bez PDV-a, trećerangirana je ponuda ponuđača "IMTEC" d.o.o. Sarajevo sa cijenom od 5.990,00 KM bez PDV-a i četvrtorangirana je ponuda ponuđača "ALF-OM" d.o.o. Banja Luka sa cijenom od 6.000,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač "EMADO" d.o.o. Sarajevo izabran primjenjujući kriterij najniže cijene koja je ponudena u iznosu od **2.500,00 KM** bez PDV-a. Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

